

通鑑

雅音會編卷之二

羊城康麟文瑞集次

後學剡溪王鈍校正

上平聲

四支

五言絕句

正音

贈別司空曙

盧綸

有月曾同賞無秋不共悲如何與君別又是菊花時

秋夜

耿緯

高秋夜分後，遠客鴈來時。寂寂重門掩，無人問所思。

贈李唐山人

戴叔倫

此意靜無事，閉門風景遲。柳條將白髮，相對共垂絲。

江南曲

李益

嫁得瞿塘賈，朝朝誤妾期。早知潮有信，嫁與弄潮兒。

照鏡

李益

衰境臨朝鏡，將看却自疑。慚君明似月，照我白如絲。

題三會寺蒼頡造字臺

野寺荒臺晚，寒天古木悲。空階有鳥跡，猶似造書時。

遺響

銅雀妓

朱放

悵唱歌聲咽，愁翻舞袖遲。西陵日欲暮，是妾斷腸時。

壯士吟

賈島

壯士不魯悲，去即無回期。如何易水上，未歌淚先垂。

歸家

杜牧

稚子牽衣問，歸來何太遲。共誰爭歲月，贏得鬢成絲。

涼州詞

韓琮

樹發花如綿鶯啼柳若絲更遊懽宴地愁見別離時
勸酒 于武陵

勸君金屈卮滿酌不須辭花發多風雨人生足別離
李集

秋浦歌

兩鬢入秋浦一朝颯已衰猿聲催白髮長短盡成絲

其二

秋浦千重嶺水車嶺最奇天傾欲墮石水拂寄生枝

聞謝楊兒吟猛虎詞因此有贈

同州隔秋浦聞吟猛虎詞晨朝來借問知是謝楊兒

送陸判官往琵琶峽

水國秋風夜殊非遠別時長安如夢裏何日是歸期

襄陽曲

且醉習家池莫看墮淚碑山公欲上馬笑殺襄陽兒

答友人贈烏紗帽

領得烏紗帽全勝白接籬籬當作羅晉山簡傳作接籬爾雅注作曉離

山人不照鏡稚子道相宜

魯中都東樓醉起作

昨日東樓醉還應倒接離阿誰扶上馬不省下樓時
山人不覺 怨情

美人捲珠簾深坐顰蛾眉但見疾痕濕不知心恨誰

杜集

王錄事許修草堂賞不到聊小詰

為嗔王錄事不寄草堂賞昨屬愁春雨能忘欲漏時

絕句

江邊踏青罷回首見旌旗風起春城暮高樓鼓角悲

復愁十二首
其十

江上亦秋色火雲終不移巫山猶錦樹南國且黃鸝

韓集

柳巷

柳巷還飛絮春餘幾許時吏人休報事公作送春詩

五言律詩

始音

錢肅兵曹

王勃

征驂臨野吹別袂恻江垂川霽浮烟歛山明落照移
鷹風凋晚葉蟬露泣秋枝亭臯分遠望延想間雲涯

芳樹

盧照隣

芳樹本多奇。年華復在斯。結翠成新幄。開紅滿故枝。
風歸花歷亂。日度影參差。容色朝朝落。思君君不知。

玄上人林泉

駱賓王

俗遠風塵隔。春還初服遙。林疑中散地。人似上皇時。
芳杜湘君曲。幽蘭楚客詞。山中有春草。長似寄相思。

正音

終南別業

王維

中歲頗好道。晚家南山陲。興來每獨往。勝事空自知。

行到水窮處。坐看雲起時。偶然值林叟。談笑滯還期。

送楊長史赴果州

王維

褒斜不容幘。之子去何之。鳥道一千里。猿聲十二時。

宮橋祭酒客。山木女郎祠。別後同明月。君應聽子規。

秦中寄遠上人

孟浩然

一丘常欲卧。三徑苦無資。北土非吾願。東林懷我師。
黃金然桂盡。壯志逐年衰。日夕涼風至。聞蟬但益悲。

永嘉浦逢子容

逢旅相逢處。江村日暮時。衆山遙對酒。孤嶼共題詩。

扉宇隣鮫室。人烟接島夷。鄉園餘萬里。失路一相悲。

送王七錄事赴虢州

岑參

早歲即相知。嗟君最後時。青雲仍未達。白髮欲成絲。
小店閉門樹。長河華嶽祠。弘農民吏待。莫遣馬行遲。

酬劉員外見寄

嚴維

蘇耽佐郡時。近出白雲司。藥補青羸疾。窓吟絕妙詞。
柳塘春水漫。花塢夕陽遲。欲識懷君意。明朝訪楫師。

送李中丞歸漢陽別業

劉長卿

流落征南將。曾驅十萬師。罷歸無舊業。老去戀明時。

獨立三邊靜。輕生一劍知。茫茫江漢上。日暮欲何之。

雨中過袁稷巴陵山居

憐君洞庭上。白髮向人垂。積雨悲幽獨。長江對別離。
牛羊歸故道。鳥雀聚寒枝。明發遙相望。雲山不可知。

題隣君齊六司倉

沉冥衆所遺。咫尺絕佳期。始覺衡門下。翛然太古姿。
鷄聲共林巷。燭影隔茅茨。坐惜牛羊徑。芳蓀白露滋。

早行寄朱放

戴叔倫

山曉旅人去。天高秋氣悲。明河川上沒。芳草露中衰。

此別又萬里少年能幾時心知剡谿路聊且寄前期

送人遊塞

王建

初晴天墮絲晚色上春枝城上路分處邊頭人去時
停車數行日勸酒問回期亦是茫茫客還從此別離

薊北旅思

張籍

日日望鄉國空歌白苧詞長因送人處憶得別家時
失意還獨語多愁祇自知客亭門外柳折盡向南枝

春日留別

遊人欲別離醉後對花枝看却春又晚莫輕少年時

臨行記分處回首是相思各向天涯去重來未有期

酬韓庶子

西街幽僻處正與懶相宜尋寺獨行遠借書常送遲
家貧無易事身病是閑時寂寞誰相問祇應君自知

雨對村三體

天湖遊東林寺

黃滔

平生愛山水下馬虎溪時已到終嫌晚重游預作期
寺寒三伏雨松偃數朝枝翻譯如曾見白蓮開滿池

孤鴈

崔塗

幾行歸塞盡。念爾獨何之。暮雨相呼失。寒塘欲下遲。
渚雲低暗度。閉月冷相隨。未必逢矰繳。孤飛自可疑。

茶人

陸龜蒙

天賦識靈草。自然鍾野姿。閑來北山下。似與東風期。
雨後探芳去。雲間幽路危。惟應報春鳥。得共斯人知。

送喻垣之歸睦州

李頻

歸心常共知。歸路不相隨。彼此無依倚。東西又別離。
山雲含雨潤。江樹送潮欹。莫戀漁樵興。人生各有為。

塞上

司空圖

萬里隋城在三邊。虜氣衰沙填。孤障角燒斷。故關碑
馬色經寒慘。鵬聲帶晚悲。將軍正閑暇。留客換歌辭。

秋夜同梁錕文宴

錢起

客到衡門下。杯香蕙草時。好風能自至。明月不須期。
秋水翻荷葉。清霜脆柳枝。微官是何物。許日廢言詩。

春山

李昌符

重疊太古色。濛濛花雨時。好山行恐盡。流水語相隨。
黑壤生紅木。黃猿領白兒。因思石橋日。曾與道人期。

類編

望春亭應制

趙彥昭

帝出明光殿天連太液池
堯尊隨步輦舜樂繞行麾
萬壽禎祥獻三春景物滋
小臣同酌酒歌頌蒼無為
和都官苗員外秋夜寓直對雨書懷

李嘉祐

多雨南宮夜仙郎寓直時
漏長丹鳳闕秋冷白雲司
螢影侵堦亂鴻聲出苑遲
蕭條吏人散小謝有新詩

送林中丞還京

皇甫魯

戰罷回龍節朝天見鳳池
寒生五湖道春及萬年枝

邵化多遺愛胡清已畏知
懷恩偏感別墮淚向旌旗

送辰州李中丞

韓翃

白羽逐青絲翩翩南下時
巴人迎道路蠻帥引旌旗
暮雨山開少秋江葉落遲
功成異他日應見竹郎祠

江上寄崔少府

孟浩然

春提楊柳發憶與故人期
草木本無意榮枯自有時
山陰定遠近江上日相思
不及蘭亭事空吟袂襖詩

賦得暮雨送李胄

韋應物

楚江微雨裏建業暮鍾時
漠漠帆來重冥冥鳥去遲

海門深不見，浦樹遠含滋。相送情無限，沾襟比散絲。

送李端

嚴維

故關衰草遍，離別正堪悲。路出寒雲外，人歸暮雪時。少孤為客早，多難識君遲。掩泣空相向，風塵何所期。

題蘇許公林亭

韓翃

平津東閣在，別是竹林期。萬葉秋聲裏，千山落照時。門隨深巷靜，窓過遠鐘遲。客舍苔生處，依依又賦詩。

登鶴雀樓

馬戴

堯女樓西望，人懷太古時。海帆通禹穴，山木閔虞祠。

鳥道殘虹掛，龍潭返照移。行雲如可御，萬里赴心期。

晚春閑思

王維

新粧可憐色，落日卷簾帷。鱸氣清瓊簾，墻陰上玉墀。春虫飛網戶，暮雀隱花枝。向晚多愁思，閑窓桃李時。

題谷神廟

温庭筠

蒼蒼松色晚，一逕入荒祠。古樹風吹馬，虛廊日照旗。烟煤朝暝屢，雲雨夜歸時。寂寞湘江客，空看蔣帝碑。

河嶽英靈

途中晚發

崔曙

晚霽長風裏勞歌赴遠期雲輕歸薄疾月滿下山遲
旅望因高盡鄉心遇物悲故林遙不見况在落花時

送盧逸人

洛陽為此別携手更何時不復人間見祇應海上期
青溪入雲林白首卧茅茨共惜盧敖去天邊所望思

李集

送張舍人之江東

張翰江東去正值秋風時天晴一鴈遠海濶孤帆遲
白日行欲暮滄波杳難期吳洲如見月千里幸相思

送趙雲卿

一作贈錢徵君少陽

白玉一杯酒綠楊三月時春風餘幾日兩鬢各成絲
秉燭唯須飲投竿也未遲如逢渭川獵猶可帝王師

秋夜與劉礪山泛宴喜亭池

明宰試舟楫張燈宴華池文招梁苑客歌動郢中兒
月色望不盡空天交相宜令人欲泛海只待長風吹

遊秋浦白筍陂

何處夜行好月明白筍陂山光搖積雪猿影掛寒枝
但恐佳景晚小令歸棹移人來有清興及此有相思

與賈至舍人於龍興寺剪落梧桐枝望澗湖
剪落青梧枝澗湖坐可窺兩洗秋山淨林光澹碧滋
水閑明鏡轉雲繞畫屏移千古風流事名賢共此時
少年行

擊筑飲美酒劒歌易水涓經過燕太子結託并州兒
少年負壯氣奮烈自有時因擊魚勾踐爭博勿相期

秋思士贇日秋思古
琴操商調之曲

春陽如昨日碧樹鳴黃鸝蕪然蕙草暮颯爾涼風吹
天秋木葉下月冷莎鷄悲坐愁群芳歇白露凋葉滋

張相公出鎮荊州尋除太子詹事余時流
夜郎行至江夏與張公去千里公因太府
丞王昔使車寄羅衣二事及五月五日贈

余詩余答以此詩目錄題作答張相公出
鎮荊州

張衡殊不樂應有四愁詩慙君錦繡段贈我慰相思
鴻鵠復矯翼鳳凰憶故池榮樂一如此商山老紫芝
同族姪評事黯遊昌禪師山池

客來蒼雨際秋水落金池片石寒青錦踈楊挂綠絲
高僧拂玉柄童子獻雙梨惜去愛佳景烟蘿欲暝時

贈漢陽輔錄事

聞君罷官意我抱漢川
湄借問又踈索何如聽訟時
天清江月白心靜海鷗知
應念投沙客空餘吊屈悲
贈柳圓

竹實滿秋圃鳳來何若飢
還同月下鵲三統未安枝
夫子卽瓊樹傾柯拂羽儀
懷君戀明德歸去日相思

秋山寄衛尉張邈及王徵君

何以折相贈白花青桂枝
月華若夜雪見此令人思
雖然剡溪興不異山陰時
明發懷二子空吟招隱詩

望漢陽柳色寄王宰

漢陽江上柳望客引東枝
樹樹花如雪紛紛亂若絲
春風傳我意草木別前知
寄謝絃歌宰西來定未遲

杜集

已上人茅齋

已公茅屋下可以賦新詩
枕簟入林僻茶瓜留客遲
江蓮搖白羽天棘蔓青絲
空忝許詢輩難酌支遁詞

冬日有懷李白

寂寞書齋裏終朝獨爾思
更尋嘉樹傳不忘角弓詩

短褐風霜入，還丹日月遲。未因因一作應乘興去，空有鹿門期。

陪鄭廣文遊何將軍山林第十首

萬里戎王子，何年別月支。異花開絕域，滋蔓匝清池。漢使徒空到，神農竟不知。露翻兼雨打，開折漸離披。

全前題第八

憶過楊柳渚，走馬定昆池。醉把青荷葉，狂遺白接離。刺船思郢客，解水乞乞口吳兒。坐對秦山晚，江湖與頗隨。

重過何氏第五首

山雨樽仍在，沙沉榻未移。犬迎曾宿客，鷓護落巢兒。雲薄翠微寺，天清皇子陂。向來幽興極，步履過東籬。

全前題第三

落日平臺上，春風啜茗時。石欄斜點筆，桐葉坐題詩。翡翠鳴衣桁，桁，協下蜻蜓立釣絲。自今幽興熟，來往亦無期。

陪諸貴公子丈八溝攜妓納涼晚際遇雨

二首 其二

落日放船好。輕風生浪遲。竹深留客處。荷淨納涼時。
公子調水水。佳人雪藕絲。片雲頭上黑。應是雨催詩。

九日揚奉先會白水崔明府

今日潘懷縣。同時陸浚儀。坐閑桑落酒。來把菊花枝。
天宇清霜淨。公堂宿霧披。晚酣留客舞。鳧鷖共差池。

九日曲江

綴席茱萸好。浮舟菡萏衰。百年秋已半。九日意兼悲。
江水清源曲。荆門此路疑。晚年高興盡。搖蕩菊花期。

得舍弟消息

二首
其二

汝儒歸無計。吾衰往未期。浪傳烏鵲喜。深負鵲鴿詩。
生理何顏面。憂端且歲時。兩京三十口。雖在命如絲。

元日寄常氏妹

近聞常氏妹。迎在漢鍾離。即伯殊方鎮。京華舊國移。
春城回北斗。郢樹發南枝。不見朝正使。啼痕滿白垂。

贈畢四曜

才大今詩伯。家貧若宦卑。飢寒奴僕賤。顏狀老公翁。為
同調。嗟誰惜。論文笑自知。流傳江鮑體。相顧免無兒。

秦州雜詩

七首
其二

一本作二十首
此詩第四

鼓角緣邊郡。川原欲夜時。秋聽殷地發。風散入雲悲。
抱葉寒蟬靜。歸山獨鳥遲。萬方聲一槩。吾道竟何之。

全前題其二

唐堯真自聖。野老復何知。曠藥能無婦。應門亦有兒。
截書聞萬穴。讀記憶仇池。為報鴛鴦行。舊鷺鷥在一枝。

若竹

青冥亦自守。軟弱強扶持。味若夏蟲避。叢卑春鳥疑。
軒墀曾不重。剪伐欲無辭。幸近幽人屋。霜根結在茲。

遣興

干戈猶未定。弟妹各何之。拭淚露襟血。梳頭滿面絲。
地卑荒野大。天遠暮江遲。衰疾那能久。應無見汝期。

佐還山後寄

二首 其二

白露黃梁熟。分張素有期。已應春得細。頗覺寄來遲。
味豈同金菊。香宜配綠葵。老人他日愛。正想滑流匙。

後遊

全集於此詩前有詩題曰遊修覺寺。此詩蓋是一春兩遊。修覺寺。

寺憶曾遊處。橋憐再渡時。江山如有待。花柳更無私。
野潤烟光薄。沙暄日色遲。客愁全為減。捨此復何之。

江亭

坦腹江亭暖長吟野望時水流心不競雲在意俱遲
寂寂春將晚欣欣物自私故林歸未得排悶強裁詩

觀作橋成月夜舟中有述還呈李司馬

把燭橋成夜迴舟客坐時天高雲去盡江迴月來遲
衰謝多扶病招邀屢有期異方乘此興樂罷不無悲

可惜

花飛有底急老去願春遲可惜歡娛地都非少壯時
寬心應是酒遣興莫過詩此意陶潛解吾生後汝期

獨酌

步屨深林晚開樽獨酌遲仰蜂粘落絮行蟻上枯梨
薄劣慚真隱幽偏得自怡本無軒冕意不是傲當時

有感

五首
其五

胡滅人還亂兵殘將自疑登壇名絕假報主爾何遲
領郡輟無色之官皆有詞願聞哀痛詔端拱問瘡痍

遇故斛斯校書莊

二首
其二

燕入非傍舍鷗歸抵故池斷橋無復板卧柳自生枝
遂有山陽作多慚鮑叔知素交零落盡白首淚雙垂

薄暮

江水長流地山雲薄暮時寒蒼隱亂草宿鳥擇深枝
舊國見何日高秋心若悲人生不再好鬢髮白成絲

鸚鵡

鸚鵡含愁思聰明憶別離翠衿渾短盡紅嘴謾多知
未有開籠日空殘宿舊枝世人憐後換何用羽毛奇

寄杜位頃者與位同在嚴尚書幕

寒日經簷短窮猿失木悲峽中為客恨江上憶君時
天地身何往風塵病敢辭封書兩行淚霑灑裏裏於汝切

新詩

雨

冥冥甲子雨已度立春時輕煩須向纖緜恐有疑
烟添繞有色風引更如絲直覺巫山暮兼催宋玉悲

過南隣朱山人水亭

相近竹參差相過人不知幽花歎滿樹小水細通池
歸客村非遠殘樽席更移看君多道氣從此數數色角切
追隨

北風

北風破南極朱鳳日威威低垂洞庭秋欲雪鴻鴈將

安歸十年殺氣盛六合人烟稀吾慕漢初老時清猶
茹芝

哭李常侍嶧二首其二

青瑣陪雙入銅梁阻一辭風塵逢我地江漢哭君時
次第尋書札呼兒檢贈詩發揮王子表不愧史臣辭

人日

元日到人日未有不陰時冰雪鷺難至春寒花較遲
雲隨白水落風振紫山悲蓬髮稀疏疎久無勞比素絲
俵

裊裊啼虛壁蕭蕭掛冷枝艱難人不免見賢隱見遍切爾
如知慣習元從衆全生或用奇前林騰每及父子莫
相離

宿昔

宿昔青門裏蓬萊伏數移花嬌迎雜樹龍喜出平池
落日留王母微風倍少兒宮中行樂祕少有外人知
垂白

垂白馮唐老清秋宋玉悲江暄長少睡樓迥獨移時
多難身何補無家病不辭甘從千日醉未許七哀詩

孟冬

殊俗還多事，方冬變所為。
破柑霜落瓜，嘗稻雪翻匙。
巫峽寒都薄，烏蠻瘴遠隨。
終然減灘瀨，暫喜息蛟螭。
別崔湜因寄薛瓊孟雲卿

志士惜妄動，知深難固辭。
如何久磨礪，但取不磷緇。
夙夜聽憂主，飛騰急濟時。
荊州遇薛孟，為報欲論詩。

雲安九日鄭十八携酒陪諸公宴

寒花開已盡，菊蕊獨盈枝。
舊摘人頻異，輕香酒暫隨。
地偏初衣袷，山擁更登危。
萬國皆戎馬，酣歌淚欲垂。

宴戎州楊使君東樓

勝絕驚身老，情忘發興奇。
座從歌妓密，樂任主人為。
重碧拈春酒，輕紅劈荔枝。
樓高欲悲思，橫笛未休吹。

對雨

莽莽天涯雨，江邊獨立時。
不愁巴道路，恐失漢旌旗。
雪嶺防秋急，繩橋戰勝遲。
西戎甥舅禮，未敢背恩私。
隨章留後新亭會，送諸君

新亭高有會，行子得良時。
日動映江幕，風鳴排檻旗。
絕葦終不改，勸酒欲無詞。
已墮峴山淚，因題零雨詩。

和江陵宋大少府暮春雨後同諸君及舍弟宴書齋

溼注汗血種天上麒麟兒才士得神秀書齋能爾為
棣華晴雨好綵服暮春宜朋酒日歡會老夫今始知
從驛次草堂復至東屯

二首其二

峽裏歸田客江邊借馬騎非尋戴安道似向習家池
山陰風烟合天寒橘柚垂築場看歛積一學楚人爲

雨

四首其二

江雨舊無時天晴忽散絲暮秋霑物冷今日過雲遲

上馬迴休出看鷗坐不辭高軒當灑潏潤色靜書帷

又其四

楚雨石苔滋京華消息遲山深青兕叫江晚白鷗飢
神女花鈿落鮫人織杼悲繁憂不自解終日惡如絲

奉送崔都水翁下峽

無數涪江筏鳴橈總發時別離終不久宗族忍相遺
白狗黃牛峽朝雲暮雨祠所過憑問訊到日自題詩

暮春題灤西新賃草屋

五首其二

久嗟三峽客再與暮春期百舌欲無語繁荃能幾時

谷虛雲氣薄波亂日華遲戰伐倘由定哀傷不在茲
送王侍御往東川放生池祖席

東川詩友合此贈怯輕為况復傳宗近空然惜別離
梅花交近野葦色向平池儻憶江邊卧歸期願早知

韓集

奉和兵部張侍郎酬鄆州馬尚書祇召途

中見寄開緘之日馬帥已再領鄆州之作

來朝當路日承認改轅時再領須句句音須句鄆

國仍遷少昊司暖風抽宿麥清雨卷歸旗賴寄新珠

王長吟慰我思

奉和僕射裴相公感恩言志

文武成功後君為百辟師林園窮勝事鍾鼓樂清時
擺落遺高論雕鏤出小詩自然無不可范蠡爾其誰

五言排律

始音

泥谿

弭棹凌奔壑低鞭躡峻岐江濤出岸險峯磴入雲危
湍急船文亂岩斜騎影移水烟籠翠渚山照落丹崖

風生蘋浦葉露泣竹潭枝泛水雖云美勞歌誰復知

正音

杜中丞書院新移小竹

王建

此地本無竹遠從山寺移經年求養法隔日記澆時
嫩綠卷新葉殘黃依故枝色經寒不動聲與靜相宜
愛護出常數稀稠當自知貧家綠未有客散獨行遲

正聲

春日奉獻聖壽無疆詞十首其六

楊巨源

代是文明晝春當燕喜時爐烟添柳重宮漏出花遲
漢典方寬律周官正采詩碧霄傳鳳吹紅旭在龍旂
造化膺神器陽和沃聖慈無因隨百獸率舞在丹墀

類編

春日奉獻聖壽無疆詞十首其十

楊巨源

化洽生成遂功宣動植知瑞疑三秀草春入萬年枝
鳳掖嘉言進鴛行喜氣隨仗臨丹地近衣對碧山垂

渥澤方柔遠聰明本聰卑願同東觀士長觀漢威儀
送嚴黃門拜御史大夫再鎮蜀川兼覲省

岑參

授鉞辭金殿承恩戀玉墀登壇漢主用講德蜀人思
副相韓安國黃門向子期刁州重入夢劍閣再題詞
春色連青綬晴花間赤旗山鶯朝送酒江月夜供詩
許國分憂日榮親色養時雲霓望已久來去不應遲
分武文陪張丞相自松滋江東泊渚宮

孟浩然

放溜下松滋登舟命楫師詎忌經濟日不憚沍寒時
洗幘豈猶古濯纓良在茲政成人自理機息鳥無疑
雲物吟孤嶼江山辨四維晚來風稍緊冬至日行遲
獵響驚雲蓋漁歌激楚辭渚宮何處是川暝欲安之

李集

贈易秀才

少年贈長劍投贈即分離何不斷犀象精光暗往時
蹉跎君自惜窳逐我因誰地遠虞翻老秋深宋玉悲
空摧芳桂色不屈古松姿感激平生意勞歌寄此辭

杜集

遣興

驥子好男兒前年學語時問知人客姓誦得老夫詩
世亂憐渠小家貧仰母慈鹿門携不遂鴈足繫難期
天地軍麾滿山河戰角悲倘歸免相失見日敢辭遲

大雲寺贊公房

四首其三

心在水精域衣霑春雨時洞門盡徐步深院果幽期
到扉開後閉撞鐘齊及茲醍醐長發性飲食過扶衰
把臂有多日開懷無愧辭黃鸝度結構紫鴿下呆恩

愚意會所適花邊行自遲湯休起我病微笑索題詩

呆愚連闕
曲閣也

移居公安敬贈衛大郎鈞

衛侯不易得余病汝知之雅量涵高遠清襟照等夷
平生感意氣少小愛文辭河海由來合風雲若有期
形容勞宇宙曆科謝軒墀自右幽人泣流年壯士悲
人烟一作水烟一本通徑草秋露接園葵入邑豺狼鬪傷
弓傷弓一本鳥雀飢白頭供宴語烏几伴棲遲交態
遭輕薄今朝豁所思

同豆盧峯貽主客李貲外郎賢千棊知字

韻

鍊金歐冶于噴玉大宛兒符彩高無敵聰明達所為
夢蘭他日應折挂早年知爛熳通經術光芒刷羽儀
謝庭瞻不遠潘省會於斯唱和將雜曲田翁號鹿皮

鹿皮翁公
自謂也

偶題

文章千古事得失寸心知作者皆殊列名聲豈浪垂
騷人嗟不見漢道盛於斯前輩飛騰入餘波綺麗為

後賢兼舊利歷代各清規規自儒家有心從弱歲疲

永懷江左

江左指嵇阮
鮑謝之作

逸多病鄴中

鄴中指曹丕兄
弟及七子之作

奇駉驥皆良馬麒麟帶好兒車輪徒已斷堂構肯仍

虧謾作潛夫論虛傳幼婦碑緣情慰漂蕩抱疾屢遷

移絰濟慙長策飛棲假一枝塵沙傍蜂蠆江峽繞蛟

螭蕭瑟唐虞遠聯翩楚漢危聖朝兼盜賊異俗更喧

卑鬱鬱星辰鍊蒼蒼雲雨池兩都開幕府萬寓挿軍

麾南國殘銅柱東風避月支音書恨烏鵲號怒恠熊

羆稼穡分詩興柴荆學土宜故山迷白閣秋水憶黃

陂不敢要佳句愁來賦別離

夔府書懷

四十韻

昔罷河西尉初與薊北師不才名位晚敢恨省郎遲
危聖崆峒日端君艷潏時萍流仍汲引樗散尚恩慈
遂阻雲臺宿常懷湛露詩翠華森遠矣白首颯淒其
拙被林泉滯生逢酒賦欺文園終寂寞漢閣自磷礪
病隔君臣議慙紆德澤私揚曠驚主辱拔劍撥年衰
社稷經綸地風雲際會期血流紛在眼涕泗亂交頤
四瀆樓船泛中原鼓角悲賊壕連白翟戟在落丹墀

先帝嚴靈震宗臣切受遺恒山猶突騎遼海竟張旗
田父嗟膠膝行人避蒺藜揔戎有大體降將飾卑詞
楚貢何年絕堯封舊俗疑長吁翻北寇一望卷西夷
不必陪玄圃超然待具茨凶兵鑄農器講殿闢書帷
廟美高難測天憂實在茲形容真潦倒答效莫支持
使者分王命群公各典司恐乖均賦歛不似問瘡痍
萬里煩供給孤城最怨思綠林寧小患雲夢欲難追
即事須嘗膳蒼生可察眉議堂猶集鳳貞觀是元龜
處處宣飛檄家家急競錐蕭蕭車安不定蜀使下何之

釣瀨踈墳籍耕岩進奕棋地蒸餘破扇冬暖更織絺
豹違哀登楚麟傷泣象皂衣冠迷適越藻繪憶遊睢
賞月延秋挂傾陽遂露葵大庭終反樸京觀且僵屍
高枕虛眠晝哀歌欲和誰南宮載勳業凡百慎交綏
交綏出左傳註未
致爭而兩退也

暮冬送蘇兵曹適桂州

飄飄蘇季子六印佩何遲早作諸侯客兼工右體詩
爾賢埋照久余病長年悲盧綰須征日接蘭要斬時
歲陽初盛動王化久磷緇為人蒼梧廟看雲哭九疑

傷春五首其二

鶯入新年語花開滿故枝天青風捲慢草碧水通池
牢落官軍急滿條萬事危鬢毛元自白淚點向來垂
不是無兄弟其如有別離巴山春色靜北望轉逶迤

諸葛廟

久遊巴子國屢入武侯祠竹日斜雲寢溪風滿薄帷
君臣當共濟賢聖亦同時翊戴歸先主并吞更出師
虫蛇穿畫壁巫覡醉蛛絲歛憶吟梁父躬耕起未遲
暮春江陵送馬大卿公恩命追赴闕

自古求忠孝名家信有之吾賢富才術此道未磷緇
玉府標孤映霜蹄去不疑激揚音韻徹籍甚衆多推
潘陸潘陸謂潘岳陸機應同調孫吳孫吳謂孫武吳起亦異時北辰
徵事業南紀赴恩私卿月昇金掌王春啓玉墀薰風
行應律湛露即歌詩天意高難問人情老易悲尊前
江漢閣後會且深期

酬別杜二

獨逢堯典日再覩漢官時未效風霜勁空慙雨露私
夜鐘清萬戶曙漏拂千旗並向殊庭謁俱承別館追

斗城憐舊路澗水惜歸期峰樹還相伴江雲更對垂
試回滄海棹莫妬敬亭詩祇是書應寄無忘酒共持
但令心事在未肯鬢毛衰最悵巴山裏清猿惱夢思

韓集

喜雪獻裴尚書

宿雲寒不卷春雪墜如筵騁巧先投隙潛光半半或作亂

入池喜深將策試驚密仰簷窺自下何曾涉增高未

覺查或作見危比心明可燭拂面愛還吹妬舞時飄袖欺

梅併壓枝地空迷界限砌滿接高卑浩蕩乾坤合霏

微物象移為祥於大熟布澤荷平施已分年華晚猶
憐曙色隨氣嚴當酒換換或灑急聽物知照曜臨初
日玲瓏滴晚晚或漸聚庭看獄篋掃路見雲坡陣勢
雲麗麗音離音遠書文烏篆奇縱歡羅豔點列賀擁熊螭
獲弊行偏冷門倚卧更羸悲嘶聞病馬馬或浪走信
嬌兒竈靜愁烟絕絲繁念鬢衰擬益吟舊句授簡慕
前規捧贈同燕石多慚失所宜

七言絕句

江帶

送別

王維

送君南浦淚如絲君向東州使我悲為報故人憔悴
盡如今不似洛陽時

明妃詞

儲光羲

胡王知妾不勝悲樂府皆傳漢國辭朝來馬上篋
引稍似宮中閑夜時

長信秋詞

真成薄命久尋思夢見君王覺後疑火照西宮知夜
飲分明復道奉恩時

出塞行

白花台花三體原頭望京師黃河水流無盡期窮秋
曠野行人絕馬首東來知是誰

對月答元明府

戴叔倫

山下孤城月上遲相留一醉本無期明年此夕遊何
處縱有清光知對誰

湘南即事

盧橘花開楓葉衰出門何處望京師沅湘日夜東流
去不為愁人住少時

汴州聞角

何處金笳月裏悲悠悠邊客夢先知單于城上關山
月今日中原捻解吹

和練師索秀才楊柳

楊巨源

水邊楊柳綠烟絲立馬煩君折一枝惟有東風最相
惜殷勤更向手中吹

上陽宮

竇庠

愁雲漠漠草離離大乙勾陳處處疑日暮毀垣春雨
裏殘花猶發萬年枝

楊柳枝詞

劉禹錫

花萼樓前初種時
美人樓上鬪腰肢
如今拋擲長街
裏露葉如啼
欲恨誰

有感

李商隱

非關宋玉有微詞
自是襄王夢覺遲
一自高唐賦成
後楚天雲雨盡
堪疑

夜雨寄北

君問歸期未有期
巴山夜雨漲秋池
何當共剪西窗
燭却話巴山夜雨時

九日

韋應物

今朝把酒復惆悵
憶在杜陵田舍時
明年此日知何
處世難還家未有期

遺響

昌谷北園新筍

李賀

斫取青光寫楚辭
膩香春粉黑離離
無情有恨何人
見露壓烟啼千萬枝

楊柳枝

白居易

紅板江橋青酒旗
館娃宮暖日斜時
可憐兩歇東風

定萬樹千條各自垂

邠王小管

張祐

羈國潛行韓國隨
宜春深院闔花枝
金輿遠幸無人
見偷把寧王小管吹

送宋處士歸山

許渾

賣藥修琴歸去遲
山風吹盡桂花枝
世間甲子須臾
事逢着仙人莫看棊

東還

李商隱

自有仙才自不知
十年長夢采菖芝
秋風動地黃雲

暮歸去嵩陽尋舊師

送温台

朱放

淋瀝天涯君去時
浮雲流水自相隨
人生一世長如
客何必今朝是別離

重贈商玲瓏兼寄樂天

元稹

休遣玲瓏唱我辭
我辭多是寄君詩
明朝又向江頭
別月落潮平是去時

柳枝詞

韓琮

枝闔纖腰葉闔眉
春來無處不成絲
灞陵原上多離

別少有長條拂地垂

宿村家亭子

賈島

床頭枕是谿中石井底泉通竹下池
宿客木眠過夜半獨聞山雨到來時

過襄陽

李涉

方城漢水舊城池陵谷依然世自移
歇馬獨來尋故事逢人唯說峴山碑

二體

寄山僧

張喬

大道本來無所染白雲那得有心期
遠公獨刻蓮花漏猶向山中禮六時

自河西歸山

司空圖

水閣風驚去路危孤舟欲上更遲遲
鶴羣長繞三珠樹不借人間一隻騎

十日菊

鄭谷

節去蜂愁蝶不知曉庭還繞折殘枝
自緣今日人心別未必秋香一夜衰

寄友

野水晴山雪後時，獨行村路更相思。
無因一向溪橋醉，處處寒梅映酒旗。

冬夜寓懷寄王翰林

竇牟

滿地霜蕪葉下枝，幾回吟斷四愁詩。
漢家若欲論封禪，須及相如未病時。

舊宮人

劉得仁

白髮宮娃不解悲，滿頭猶自插花枝。
曾緣玉貌君王寵，準擬人看似舊時。

選唐

春晚遊鶴林寺

李涉

野寺尋花春已遲，昔岩惟有兩三枝。
明朝携酒猶堪賞，為報春風且莫吹。

烏江項羽廟

勝敗兵家不可期，包羞忍耻是男兒。
江東子弟多豪俊，卷土重來未可知。

折楊柳宮詞

温庭筠

陌上河邊千萬枝，怕寒愁雨盡低垂。
黃金穗短人多折，已恨東風不展眉。

寫懷

花滿西園月滿池
笙歌淫曳畫船移
如今暗與心相約
不動旌旗動酒旗

高駢

看花

花開只恐看來遲
及到愁如未看時
家在楚鄉身在蜀
一年春色負歸期

羅邪

王昭君

漢使却回憑寄語
黃金異日贖蛾眉
君王若問妾羶莫道
不如宮裏時

白居易

晏起

近來中酒起常遲
卧看南山改舊詩
閉戶日高春寂寂
數聲啼鳥上花枝

韋莊

漢苑行

回馬高飛太液池
新花低發上林枝
年光到處皆堪賞
春色人間捻未知

王涯

黃鶴樓

黃鶴樓前吹笛時
白蘋紅蓼滿江湄
裏情欲訴無人會
只有清風明月知

鍾離先生

竹枝詞

劉禹錫

巫峽蒼蒼烟雨時
清猿啼上最高枝
箇裏愁人腸自斷
由來不是此聲悲

楊柳枝詞

城外春風吹酒旗
行人揮袂日西時
長安陌上無窮樹
惟有垂楊管別離

有所嗟

庾令樓中初見時
武昌春柳似腰支
相逢相識盡如夢
為雨為雲今不知

曲江春望

盧綸

萋萋翻葉柳
交枝啼上送舟鳥
不知更到蘆花最深處
玉樓金殿影參差

李集

送外甥鄭灌送軍

月蝕西方破敵時
及瓜歸日未應遲
斬胡血變黃河水
梟首當懸白鵠旗

水王東遊歌

求王正月東出師
天子遙分龍虎旗
樓船一舉風波

靜江漢翻為鴈鷺池

上皇西述南京歌其十五

萬國同風共一時錦江何謝曲江池石鏡更明天上月後宮親得照娥眉

杜集

戲為其六絕

未及前賢更勿疑遞相祖述復先誰別裁偽體親風雅轉益多師是汝師

中丞嚴公雨中垂寄見憶二絕奉答二絕其

雨映行宮奪贈詩元戎肯赴野人期江邊老病雖無力強擬晴天理釣絲

夔州歌其十絕

憶昔咸陽都市合山水之圖張費時巫峽曾經宝屏見楚宮猶對碧峰疑

解悶其五

李陵蘇武是吾師孟子論文更不疑一飯未曾延俗客數篇今見古人詩

解悶其十

憶過瀘戎摘荔枝青楓隱映石逶迤京中舊見君頰
色紅頰酸甜只自知

韓集

別盈上人

山僧愛山出無期俗士牽俗來何時祝融峯下一迴
首即是此生長別離

盆池其五首

老翁真箇似童兒汲水埋盆作小池一夜青蛙鳴到
曉恰如方枳口釣魚時

其二

泥盆淺小詎成池夜半青蛙聖聖或作聽得知一聽暗來
將伴侶不煩鳴喚闌雄雌

題于賓客莊

榆莢早前蓋地皮薔薇蘸水筍穿籬馬蹄無入朱門
跡縱使春歸可得知

外 郾城晚飲奉贈副使馬侍郎及馮李二員

城上赤雲呈勝氣眉間黃色見歸期幕中無事惟須

飲即是連鑣向闕時

鎮州路上謹

讜酬裴司空相公重見寄

銜命山東撫亂師日馳三百自嫌遲風霜滿面無人識何處如今更有詩

奉和李相公題蕭家林亭

山公自是林園主歎息前賢造作時岩洞幽深門盡鎖不因丞相幾人知

井

賈誼宅中今始見芻洪山下昔曾窺寒泉百尺空看

影正是行人渴

渴或作竭

死時

七言律詩

正音

積雨輞川莊上

王維

積雨空林烟火遲蒸梨炊黍餉東菑漠漠水田飛白鷺陰陰夏木轉黃鸝山中習靜觀朝槿松下清齋折露葵野老與人爭席罷海鷗何事更相疑

送前衛縣李宋

宋當作宋音審與索宋字不同

少府

高適

黃鳥翩翩楊柳垂春風送客使人悲
然別自驚千里
外論交却憶十年時雲開汶水孤帆遠
路繞梁山正
馬遲此地從來可乘興留君不住益悽其

與從弟兵曹宴集

竹窓幽戶有佳期美酒香茶慰所思
嗣輔外甥還解
易東連群從總能詩簷前花落春深後
谷口鷺啼日
暮時去路歸家仍待月垂鞭不控馬行遲

謫官後卧病官舍簡賀蘭侍御

劉長卿

青春衣繡共稱宜白首垂絲恨不遺
遺字出五微江韻恐當作遺
上幾回今夜月鏡中無復少年時
生還北關誰將引
老向南方衆悲歲歲任他芳草綠
長沙未有定歸期

過賈誼宅

三年謫宦此棲逢萬里惟留楚客悲
秋草獨尋人去
後寒林空見日斜時漢文有道恩猶薄
湘水無情吊
豈知寂寂江山搖落處憐君何事到天涯

送長沙李少府入蜀

韓翃

行行獨出故關遲南望千山無盡期見舞巴童應暫
笑聞歌蜀道又堪悲孤城晚閉清江上走馬寒嘶白
露特別後此心君自見山中何事不相思

重過聖女祠

李商隱

白石岩扉碧蕚滋上清淪謫得歸遲一春夢雨常飄
瓦盡日靈風不滿旗萼綠花來無定所杜蘭香去未
移時玉郎會此通仙籍憶向天涯問紫芝

使君席夜送嚴河南赴長水 岑參

嬌歌急管雜青絲銀燭金杯映翠眉使君地主能相

送河尹天明坐莫辭春城月出入皆醉野戍花深馬
去遲寄聲報爾山翁道今日河南勝昔時

送蘭處士歸緱山別業

許渾

醉斜烏帽髮如絲曾看仙人一局碁賓館有魚為客
久鄉書無雁到家遲緱山住近吹笙廟湘水行逢鼓
瑟祠今夜月明何處宿九疑雲盡碧參差

山中訓

訓酬同
答也

揚補闕見過

錢起

日暖風恬種藥時紅泉翠壁薜蘿垂幽谿鹿過苔還
靜深樹雲來鳥不知青草同心多逸興春山載酒遠

相隨却慚身外牽。纓冕未克杯前倒。接離

守玉篇無此字。酌恐當作酬。暢當尋嵩岳麻道士。

盧綸

聞逐樵夫閑看碁。忽逢人世是秦時。開雲種玉憐山
淺。渡海傳書恠鶴遲。陰洞石幢微有字。古壇松樹半
無枝。煩君遠示青囊錄。願得相從一問師。

三體

送別友人

姚合

獨向山中覓紫芝。山人勾引住多時。摘花浸酒春愁

盡。燒竹煎茶夜卧遲。泉落林稍多碎滴。松生石底足
旁枝。明朝却欲歸城市。問我來時總不知。

題永城驛

秋賦春還計盡違。自知身是拙求知。惟思曠海無休
日。却喜孤舟似去時。連浦一程兼汴宋。夾堤千柳雜
唐隋。從來此恨皆前達。敢負吾君作楚詞。

崔少府池塘鷺鷥

雍陶

雙鷺應憐水滿池。風飄不動頂絲垂。立當青草人先
見。行傍白蓮魚未知。一足獨拳寒雨裏。數聲相叫早

秋時林塘得爾須增價况與詩家物色宜

感懷

秋風落葉正堪悲黃菊殘花欲待誰
水近偏逢寒氣早山深常見日光遲
愁中卜命看周易夢裏招魂誦楚詞
自笑不如湘浦鴈飛來却是北歸時

正聲

侍宴安樂公主宅應制

沈佺期

駸駸羽騎歷城池帝女樓臺向晚披
露洒旌旗雲外出風迴岩岫雨中移
當軒半落天河水繞徑全低月

樹枝蕭鼓宸遊陪宴樂和鳴雙鳳喜來儀

送賈校書東歸寄掖上人

李益

北風吹鴈數聲悲况指前林是別時
秋草不堪頻送遠白雲何處更相期
山隨疋馬行看暮路入寒城獨去遲
為向東州故人道江淹已擬惠休詩

鼓吹

送衢州崔員外

薛逢

笑分銅虎別京師嶺下山川想到時
紅樹暗藏殷浩宅綠蘿深覆偃王祠
風茅向暖抽書帶露竹迎風舞

釣絲休指巖西數歸日知君已負白雲期

對花

秦韜玉

長與韶光暗有期可憐蜂蝶却先知誰家促席臨低
樹何處橫釵帶小枝麗日多情疑曲照和風得路合
偏吹向人雖道渾無語幾勸王孫到醉時

送友人下第東歸

陳羽

五陵春色泛花枝心解花前遠別離落第耻為閑右
客成名空羨里中兒都門兩歇愁分處山店燈殘夢
到時家住洞庭多釣伴因來相賀語相思

高侍御話皮博士池中白蓮

吳融

白玉花開綠錦池風流御史報人知看來應是雲中
墮偷去須從月下移已被亂蟬催婉婉更禁涼雨動
攤攤習家秋色堪圖畫只欠山翁倒接離

楊柳

温庭筠

楊柳千條拂面絲綠烟金穗不勝吹香隨靜婉歌塵
起影伴嬌嬈舞袖垂羌管一聲何處笛流鶯百轉最
高枝千門九陌花如雪飛過宮牆兩不知

爭名

爭名豈在更搜奇，不朽纔消一句詩。窮守未甘英氣阻，乖疎還有正人知。荷香浥露侵衣潤，松影如風傍枕移。只此共棲塵外境，無妨亦戀好好去文時。
再授連州至衡陽酬贈劉夢得

柳宗元

去國十年同赴召，湘江千里又分岐。重臨事異黃丞相，三黜名慚柳士師。歸日併隨回鴈盡，愁腸政遇斷猿時。桂江東過連山下，相望長吟有所思。

哭呂衡州

劉禹錫

一夜霜風凋玉芝，蒼生絕望士林悲。空懷濟世安人畧，不見男婚女嫁時。遺草一函歸太史，旅墳三尺近要離。朔方徙歲行將晚，欲為君刊第二碑。

送王總下第歸丹陽

許渾

秦橋心斷楚江湄，繫馬秋風酒一卮。汴水月明東下疾，練塘花發北來遲。青蕪定沒安貧處，黃葉應催獻賦時。憑寄家書問迴報，舊居還有故人知。

贈易卜崔江處士

韓渥

白首窮經通秘義，青山養老度危時。門傳組綬身能

退家學漁樵迹亦奇四海盡聞龜莢妙九霄堪嘆鶴
書遲壺中日月將安用借與閑人試一窺

傷亂

岸上花根總倒垂水中花影幾千枝一枝一影寒山
裏野水野花清露時故國幾年猶戰鬪異鄉終日見
旌旗交親沅落身羸病誰在誰亡兩不知

鵲

偏承雨露潤毛衣黑白分明衆所知高處營巢窺鳳
闌靜時閑語上龍墀化為金印新祥瑞飛向銀河舊

路岐莫恠天涯棲下穩托身須是萬年枝

道傍老人

耿滯

老人獨坐倚官樹欲語潛然便淚垂陌上歸心無座
業城邊戰骨有親知餘生尚在艱難日長路多逢輕
薄兒綠水青山雖似舊如今貧病復何為

中秋待月

陸龜蒙

轉去缺霜輪上轉上遲好風偏似送佳期簾斜樹隔
情無限燭暗香殘坐不辭最夢笙調聞北里漸看星
淡失南箕何人為校清涼力欲減初圓及午時

秋夕閑居對雨贈別盧七侍御

竇牟

燕燕辭巢蟬蛻枝窮屋積雨壞藩籬夜長簷溜寒無
寢日晏厨煙濕未炊悟主一言那可學後軍五百竟
何為故人駿馬朝天去洛下秋聲恐要知

題盧公舊居

李頎

物在人亡無見期閑庭繫馬不勝悲窓前綠竹生閒
地門外青山似舊時悵望秋天鳴墜葉嶺岓枯柳宿
寒鷓憶君淚落東流水歲歲開花知為誰

上裴晉國公

李郢

四朝

田朝謂憲
穆敬文也

憂國鬢成絲龍馬精神海鶴姿天上

王書傳詔夜陣前金甲受降時曾經庾亮三秋月下
盡羊曇一局碁惆悵舊堂扃綠野夕陽無限鳥飛遲

故洛陽城有感

杜牧

一片宮墻當道危行人為汝去遲遲草萊苑裏秋風
起平樂館前斜日時黨錮豈能留漢鼎清談空解識
胡兒千燒萬戰坤靈死慘慘終年鳥雀悲

閑身事少只題詩五十今來覺陡陡音衰清秩偶叨
非養望丹方頻試更堪疑鬢鬚共染三分折絃管遙
聽一半悲漉酒有巾無黍釀負他黃菊滿東籬

交河塞下曲

胡曾

交河冰薄日遲遲漢將思家感別離塞北草生蘇武
泣隴西雲起李陵悲曉侵雉堞烏先覺春入関山鴈
獨知何處疲兵心最苦夕陽樓上笛聲時

詩選

同程九入中書省

錢起

漢家賢相重英奇蟠木何材也見知不意雲霄能自
致空驚鴛鴦鷺忽相隨臘雪初明栢子殿春光欲上萬
年枝獨慚皇鑒明如日未厭螢光向玉墀

送史兵曹判官赴樓煩

盧綸

渥洼龍種散雲時千里繁華乍別離中有近臣承霈
澤外無輕虜犯旌旗山川自與郊坰合帳幕時因水
草移敢謝親賢得瓊玉傳宣能賦亦能詩

燕李錄事宅

韋應物

與君十五侍皇闈曉拂爐烟上赤墀花開漢苑經過

處雪下驪山沐浴時近臣零落今誰在仙駕飄飄不可期此日相逢非舊日一盃成喜亦成悲

赴南中題褚少府湖上亭子 劉長卿

種田東郭傍春陂萬事無情一釣絲綠竹故侵行徑裏青山常對捲簾時紛紛花落門空閉寂寂鶯啼日更遲從此別君千萬里白雲流水憶佳期

九日使君席奉餞衛中丞赴長水

岑參

使節橫行西出師鳴弓擐甲羽林兒臺上霜威凌草

木軍中殺氣傍旌旗預知漢將宣威日正是胡人欲滅時為報使君多泛菊更將絃管醉東籬

贈別劉員外長卿

耿緯

清如寒玉直如絲世故多虞事莫期律德津亭人別夜新安江水月明時為文易老皆知古謫宦無名倍足悲不學朱雲能折檻空羞獻納在丹墀

題仙遊閣白公廟

李嘉祐

仙冠輕舉竟何之薛荔綠階竹映祠甲子不知風馭日朝昏唯見雨來時霓旌翠蓋終難遇流水青山空

所思逐客自慚雙鬢改焚香多負白雲期

贈常况徵君

戎昱

身欲逃名名自隨鳳銜丹詔降茅茨苦節難違天子
命貞心惟有老松知回看藥竈封題密強入蒲輪引
步遲今日巢由舊冠帶聖朝風化勝堯時

早秋山中

王維

無才不敢累明時思向東溪守故籬豈厭向平婚嫁
早却嫌陶令去官遲草間蛩響臨秋急山裏蟬聲薄
暮悲寂寞柴門人不到空林獨與白雲期

敷水見馬侍中諸孫憫而有贈

吳融

天地塵昏九鼎危大貂曾出武侯帥一心忠赤山河
見百戰功名日月知舊宅已闡栽禁樹諸孫仍見向
征岐如今不要教人識正藉將軍死闢時

長州聞大駕還宮

戎昱

聞道鑾輿歸魏闕望雲西拜喜成悲寧知隴水煙銷
日并有園林秋薦時渭水戰添亡虜血秦人生覩舊
朝儀自慚出守長州畔不得親隨日月旗

和王貞外維勅賜百官櫻桃 崔興宗

未央朝謁正逶迤
天上櫻桃錫此時
朱實初傳九華殿
繁花舊雜萬年枝
全勝晏子江南橘
莫比潘家大谷梨
聞道令人好顏色
神農本草自應知

光嶽英華

巴嶺蒼松三見憶

嚴維

卧向巴山月落時
兩鄉千里夢相思
可但求兵偏愛酒
也知光祿敢能詩
江頭赤華楓愁客
籬外黃花菊對誰
跋馬望君非一度
冷鴛秋鴈不勝悲

元日早朝

楊巨源

北極長尊仰聖時
周家何用問元龜
天顏入曙千官拜
日色迎春萬物知
閭闔迥臨黃道正
衣冠高對碧山陲
微臣願獻封人祝
壽酒年年太液池

類編

奉和早度蒲津關應制

杜牧

捷書皆應睿謀期
十里曾無一鏃遺
漢武慙誇朔方地
周宣休道太原師
威加塞北寒來早
恩入河源凍合遲
聽取滿城歌舞曲
涼州聲韻遠參差

奉詔辛大夫喜湖南臘月降雪見示

劉長卿

長沙耆舊拜旌麾。喜見江潭積雪時。
柳絮三冬先北地。梅花一夜遍南枝。
初開窓閣寒光滿。欲掩軍城暮色遲。
問里何人不相慶。萬家同唱郢中詞。

送宮人入道

常應物

捨寵求仙畏色衰。辭天素面立天墀。
金丹擬駐千年貌。寶鏡休勻八字眉。
公主與奴珠翠後。君王看戴肉冠時。
從來宮女皆相妬。說着瑤臺總淚垂。

侍宴安樂公主宅應制

趙彥昭

六龍齊軫御朝曦。雙鷁維舟下綠池。
飛觀仰看雲外。葦浮橋直見海中移。
靈泉巧鑿天孫渚。孝筭能抽帝女枝。
幸願一生同草樹。年年歲歲樂於斯。

杜集

秋興八首

聞道長安似弈碁。百年世事不勝悲。
王侯第宅皆新主。文武衣冠異昔時。
直北關山金鼓振。征西車馬羽書遲。
魚龍寂寞秋江冷。故國平居有所思。

秋興 其八

昆吾御宿自逶迤。紫閣峯陰入澗陂。香稻啄餘鸚鵡
粒。碧梧棲老鳳凰枝。佳人拾翠春相問。仙侶同舟晚
更移。綵筆昔曾干氣象。白頭吟望苦低垂。

送鄭十八虔貶台州司戶傷其臨老陷賊
之故關於面別情見于詩

鄭公樛散鬢如絲。酒後常稱老畫師。萬里傷心嚴譴
日。百年垂死中興時。蒼惶已就長途往。邂逅無端出
餞遲。便與先生應永訣。九重泉路盡交期。

宣政殿退朝晚出左掖

天門日射黃金榜。春殿晴曛赤羽旗。宮草霏霏一本作微
承委佩。爐烟細細駐遊絲。雲近蓬萊常五色。雪殘鳩
鵲亦多時。侍臣緩步歸青瑣。退食從容出每遲。

紫宸退朝口號

戶外容紫一本作舞袖垂。僂瞻御座引朝儀。香飄合殿
春風轉。花覆千官淑景移。晝漏稀聞高閣報。天顏有
喜近臣知。宮中每出歸東省。會送夔龍集鳳池。

詠懷古迹 其二

搖落深知宋玉悲風流儒雅亦吾師
悵望千秋一灑淚滿條異代不同時
江山故宅空文藻雲雨荒臺起
夢思最是楚宮俱泯滅舟人指點到今疑

立春

春日春盤細生菜忽憶兩京梅發時
盤出高門行白玉菜傳纖手送青絲
巫峽寒江那對眼杜陵遠客不勝悲
此身未知歸定處呼兒覓緜一題詩

題終明府水樓

二首其二

宓子彈琴邑宰日終軍棄繻英妙時
承家節操尚不

泯為政風流今在茲可憐賓客盡傾蓋
何處老翁來賦詩楚江巫峽半雲雨
清簟疎簾看奕碁

曉發公安數月憩息此縣

北城擊柝復欲罷東方明星亦不遲
鄰雞野哭如昨日物色生態能幾時
舟楫眇然自此去江湖遠適無前期
出門轉盼已陳迹藥餌扶吾隨所之

書